



KOMUNIKADO PA PRENSA

Fecha
15 di mart 2016

Kolaboradó di Maneho
Corinne Leysner

Email
corinne.leysner@gobiernu.cw

MEHORASHON DI DESAGWE DI AWASERU TA OKASHONA DESVIASHON DI TRAFIKO NA EROSWEG DEN WIKENT

Willemstad – Ministerio di Tráfiko, Transporte i Planifikashon Urbano ta anunsiá ku riba djasabra dia 19 di mart i djadumingu dia 20 di mart próksimo, no ta posibel pa pasa riba Erosweg na altura di Kabouterbos. Esaki pa motibu ku e kontratista MNO Vervat ta kambia e labadónan pa mehorá desagwe di awaseru.

Durante di e trabounan, tráfiko ku ta bini for di Bonam pa bai Cascoraweg ta desviá via Jongbloedweg, pa despues bai na man robes den Moffiweg, bai man robes atrobe na Corrieweg, man robes pa drenta SBN Doormanweg i por ultimo man robes bai Cascoraweg.

Tráfiko ku ta bini for di Cascoraweg pa bai Bonam tin ku skohe SBN Doormanweg, bai man drechi pa Corrieweg, drenta na man drechi den Totolikaweg, banda drechi pa bai Jongbloedweg pa na último skohe pa bai man robes den Erosweg.

Na altura di skina di Kaya Pachi Jan Bakhuis i Erosweg tambe ta kambia labadó, pero einan e kontratista ta traha un 'by-pass' pa tráfiko por pasa riba dje. Organisashon pa ehekushon di Obranan Públiko i polis ta pidi públiko pa tene kuenta ku e situashon di desviashon i kore ku koutela. Tambe ta pidi kompreshon pa e trabounan ku mester tuma lugá.